



南巡盛典

奏議  
卷二百九之卷二百一

784  
1.179  
88





南巡盛典卷一百九

奏議

閩浙總督

臣

喀爾吉善署浙江巡撫

臣

永貴

謹

奏為據實奏明仰祈

聖鑒事恭照明春

聖駕臨幸浙江

臣

等敬謹預備道路

營盤暨船隻馬匹各事宜均經兩次會同嚮道

大臣兆惠努三確勘本省地勢情形斟酌妥



辦應行

奏明者業經先後繕摺具奏均蒙

聖鑒茲於十二月初二日接准工部咨總理行營  
王大臣等議奏酌定隨往江浙人數及應備  
船隻馬匹數目一摺奉

旨依議欽此欽遵咨行到臣等除一應預備事宜  
悉遵

廷議敬謹辦理外伏查摺內議稱由杭州至西  
湖由紹興至

禹陵南鎮等處俱係旱路此次隨往江浙大臣三  
十二員章京侍衛官等六百一十一員拜唐  
阿兵丁等二千五百五十九員合計需馬六  
千六百九十餘匹均應全數散給等語臣等

按之浙省地勢情形實有不能悉如

廷議預備者不敢不據實

奏明仰祈

聖鑒查杭嘉紹三郡

翠華臨幸之地悉係水鄉必藉舟楫以利攸往是

以南巡紀略卷一百九  
以紹郡地方卽覓一高爽可爲旱盤之地亦  
不能得蒙

聖明指示各設一大舟爲

駐蹕之所蓋緣南省山圍水繞阡陌水田又皆高  
高下下與北地平原曠野隨處可以修墊成  
道者情形迥然不同嚮道大臣同臣等勘定  
由杭城至西湖由紹興至

禹陵南鎮蘭亭名勝景亭各陸路原止備

皇上遊幸所經之

御道近不過二三里至十餘里內惟雲棲一處最  
遠亦僅二十餘里

鑾輅往來遠者竟日近者逾時原非按站行走之  
旱道且臣等親行恭勘各處陸路倚山臨水  
窄狹處多卽

臨幸之景亭名勝非山巔卽水涯更鮮空曠地場  
可以屯札數千馬匹若馬多道窄更恐擁擠  
喧雜臣等細繹

廷議所開隨從官兵需馬數目係按站行走照

例額給之數今杭紹兩處陸路止備

遊幸之所卽

聖駕臨杭幸紹所經陸路總不出二十里之外臣

等因南方城市街道窄狹馬匹馱載什物難

以行走已預備損擡人夫擬將

御用什物敬謹損擡下至隨從官兵行李亦用人

夫搬運其隨從官兵所需乘騎馬匹臣等擬

於杭紹二處調集通省綠旗營馬二千匹滿

營馬三千匹共計五千匹以備乘用然猶慮

街巷狹隘道路紆曲一起遊行恐致擁擠喧

雜臣等仍於臨期會同總理行營大臣等酌

量可以分起前進者

奏請分次行走以肅

儀衛而利攸往所有臣等酌量本省地勢情形籌

備馬匹緣由謹繕摺恭

奏伏祈

皇上聖鑒訓示施行謹

奏乾隆十五年十二月初四日奉

硃批原議大臣速議具奏欽此

兩江總督臣黃廷桂謹

奏為奏

聞事恭照

大差案內一切

扈從官員人等所需騎坐馬匹經

臣

奏明將通省滿漢標營額馬均勻撥調今於江

寧鎮江兩處駐防旗兵拴養馬匹并督撫提

鎮標營額馬內共酌調二千餘匹以之分佈

預備計數儘足敷用至沿途臺站業經兵部

派出司員自宿遷縣起至蘇州平望勘定正腰各站共三十七處約設馬二千一百匹現在咨部酌定俟部覆至日於上下兩江州縣驛馬內抽調足用臨時按地分設以便傳遞本摺文報之需又應用船隻亦經預爲雇備俟

廷議定數行知到日卽於年底新正飭令齊抵直隸廠迤南水次庶便臨時散給至緯手人等除河兵恭備

御舟需用外其

扈從王公大臣及各項執事人員應用緯手將通省不辦差州縣之民壯鹽快通融調用其不敷者再於沿途州縣雇備民夫按日給與工價以資食費合并恭

奏伏祈

皇上睿鑒謹

奏乾隆十五年十二月初八日奉

硃批管理行營王大臣議奏欽此

總理行營王大臣和碩莊親王臣允祿等謹  
 奏為遵

旨議奏事總督黃廷桂奏預備

南巡馬匹繚手一摺奉

硃批管理行營王大臣議奏欽此據稱明歲

大差一切

扈從官員人等所需騎坐馬匹今於江寧鎮江

兩處駐防旗兵拴養馬匹並督撫提鎮標營

額馬內共酌調二千餘匹以之分布預備至



沿途臺站業經兵部派出司員自宿遷縣起至蘇州平望勘定正腰各站共三十七處約設馬二千一二百匹現在咨部酌定俟部覆至日於上下兩江州縣驛馬內抽調足用以備傳遞本摺文報之需又應用船隻亦經預爲雇備俟定有數目行知到日卽於年底新正飭令齊抵直隸廠迤南水次庶便臨時散給至繹手人等除河兵恭備

御舟需用外其扈從人員應用繹手將通省不辦差州縣之民壯鹽快通融調用其不敷者再於沿途州縣雇備民夫等語恭查明春

皇上南巡所有應行隨往江浙之大臣官員兵丁人等需用船隻馬匹業經<sub>臣</sub>等酌定應需數目於本年十一月十二日具

奏奉

旨依議欽此當卽行文該督撫等遵照預備在案其繹手一項亦屬水路必需

皇上御舟繹手已遵

旨傳諭該督撫等於河兵內撥用此外沙飛馬溜船隻雖本船原有水手人等以供繹挽但

御舟遄行迅速隨從各船若不酌添繹手難免遲悞今該督奏稱將通省不辦差之州縣民壯鹽快通融調用其不敷者於沿途雇備民夫等語辦理已屬妥協但在

御舟之前行走各船自應多添繹手俾其前行無滯其在

御舟之後行走各船僅須酌添數人即可於一日之內挨次陸續抵泊不必多爲預備應令該督酌量分別妥辦以省僱備之繁至於沿途安設臺站以備遞送本報等項事隸兵部旣據勘定正腰各站咨部酌定應聽該部照例辦理可也俟

命下之日臣等行文該督等一體遵照謹奏請

旨乾隆十五年十二月十三日奉

旨依議欽此

兵部左侍郎兼管順天府府尹事務臣蔣炳  
謹合並摺

奏竊照明春恭遇

聖駕南巡所有臣欽奉  
回鑾時需用車輛臣

諭旨前往順河集會同江南山東督撫董率地方  
官備辦臣當將兩省作何分派料理咨商去  
後茲准兩江督臣黃廷桂山東撫臣準泰覆  
稱兩省應各分派一半至所需車價或由江

南山東給發或由內務府給發咨商到  
伏查

回鑾時所需車價約銀萬餘兩今車輛既在兩省  
備辦似應卽由該省給發照例報銷擬合繕  
摺

奏明再查兩省辦車  
擬卽隨

駕前往合並附

奏謹

奏乾隆十五年十二月十三日奉

旨知道了蔣炳不必隨往俟應去之時再酌量前  
去欽此



岸覓買時已傍晚不特往返遙遠有悞食用且恐昏暮歸船難以識認將有終夜尋覓而不得者轉屬未便臣與司道等再三籌計如米麵柴炭原可隨船裝載不妨多貯查沿途如清江浦揚州鎮江蘇州均有

駐蹕日期且此四處相隔不過四五站及二三站不等一切隨從官兵人等應請於此四處將米麵柴炭量其足用上岸購買一次即可留為數日之需至葷素蔬菜等類難以久貯必

須每日買用者查南省水路城市相接村鎮毗連凡經過之處均有舖戶出賣應聽官兵隨地購買無虞缺乏臣再大張告示曉諭兵民各按本處市價公平交易不許高擡價值抑勒強買仍揀派文武官弁所在稽察彈壓以杜爭端所有水路難設買賣街緣由相應繕摺恭

奏倘蒙

聖鑒俟恭奉

硃批到日臣再咨會總理行營處再行一體遵照

合併

奏明伏乞

皇上睿鑒謹

奏乾隆十五年十二月十三日奉

硃批諸凡皆妥欣悅覽之欽此

武備院謹

奏爲請

旨事乾隆十五年十月初五日由軍機處

奏准內開次年

皇上南巡至水營

皇上陞蹕船上居住若不備帶四方帳房倘遇有  
風或有住居不便之處均未可定請將三丈  
四方帳房一架二丈正房圓頂帳房一架一  
丈五尺卧房圓頂帳房一架帳房四架淨房

南巡盛典 卷一百九  
帳房二架帶往至馬頭大營處支蓋應用於  
每日清早拆卸先行趕赴支蓋等因

奏准續准太僕寺文開准兩江總督黃廷桂咨  
稱順河集水路所用大城俱令上船運載但  
船隻難以越

皇上所用船隻之前行走船隻照依城分著爲二  
分一分著於頭分營之後預備一分著於二  
分營之前預備

皇上由頭分營起程後卽將城分等項拆卸運載  
於頭營之後裝船行走將至二分營卽於旱  
路著夫騾挑馱遠至二分營前上船往前運  
送支蓋如此按營接續運送庶不致遲誤等  
語<sub>臣</sub>等伏思如照從前

奏准若只帶一分恐致遲誤今黃廷桂旣行辦  
理二分船隻預備請將存留黃城及圓頂帳  
房帳房內照先

奏准數目加添一分著爲二分越站行走支蓋  
始不致遲誤爲此謹



奏請

旨乾隆十五年十二月十七日奉

旨著帶二分去欽此

閩浙總督<sub>臣</sub>喀爾吉善署浙江巡撫<sub>臣</sub>永貴

大謹

奏為奏明事竊照辛未年春恭逢

翠華南幸所有沿途驛站最為緊要前經<sub>臣</sub>等詢

商直隸山東江南等省及飭行總理司道等

分別查勘彙議謹查南北情形不同道路遠

近各異自須因地制宜變通籌辦自江省交

界至杭州城內

行宮計程二百七十里分設杉青閘石門鎮塘棲

鎮杭城正站四處王江涇石門鎮安樂橋拱宸橋腰站四處每處相離二十餘里至三四十里不等若照直隸山東等省正站設馬百匹腰站設馬五十匹未免過多今按康熙年間舊例正站各設馬七十匹腰站各設馬三十匹共設快船四十隻又自杭城渡江由蕭山江干至紹興府城麓湖村

大營計程一百里分設轉塘村麓湖村正站二處江干板橋腰站二處每處相離不過二三十里其路較近爲時亦暫擬照杭嘉一帶再爲酌減正站各設馬四十匹腰站各設馬二十匹共設快船二十隻惟浙江站馬有限通省不過百匹祇敷本處差遣之用是以貼站馬共五百二十匹悉調營馬派值其餘一切乘騎備差之馬尙多亦均於滿漢各營撥用所有沿途一切棚廠槽棧以及草料遞夫等項久經預爲安頓貯備不致臨期缺乏除安設營站事宜已委溫處道張九鈞樂清協副

將王臣會同部員勘明報部外所有<sub>臣</sub>等辦  
定驛站并調撥營馬及選用塘兵民壯緣由  
理合繕摺

奏明伏乞

皇上睿鑒爲此謹

奏乾隆十五年十二月十八日奉  
硃批知道了欽此

江蘇巡撫<sub>臣</sub>王師謹

奏爲奏明事恭照辛未年春

聖駕南巡一切預備事宜經鹽臣吉慶會同督臣  
黃廷桂具摺

奏明道路橋梁馬頭營尖茶棚等項例應報部  
者動藩庫錢糧由撫臣稽核報銷

行宮名勝及附近上山道路并鋪墊陳設等項不  
報部者動支運庫商捐銀兩由鹽臣稽核登  
簿奏

聞等因奉

硃批知道了欽此續准工部咨令將道路營尖馬頭橋座供應器具什物船隻繹夫飭令預備將現在作何備辦之處先行報部俟差竣日核實造冊報銷等因當卽轉行遵照妥辦去後嗣據布政使永寧等詳稱道路橋梁河道馬頭營尖茶棚教場製辦繹夫水手衣帽等項及屯駐馬騾地方并設買賣街應備麥豆等物添雇騾頭船隻損繹等夫均係應動

司庫錢糧備辦但欵項繁多必須隨時隨事酌核辦理難以預定銀數應請仿照直隸山東辦過成例隨時動辦事竣核實報銷再查司庫耗羨存公銀兩不敷支給請於司庫雜稅及驛站餘剩等銀內暫行動用俟事竣核明應銷者報部請銷應賣還原價者照數歸欵如此辦理庶免稽悞等情經臣與督臣一面如詳確核妥辦一面分案咨明戶工二部在案今准戶部咨覆雜稅耗羨等銀例應奏

明動用令<sub>臣</sub>等奏明等因前來相應遵照部  
文具

奏伏祈

皇上睿鑒飭部查照俟事竣時<sub>臣</sub>等核實報銷再

查金山

行宮對渡之錢家港係康熙年間

御舟停泊之所今年久淤墊應加挑濬深通以便停

泊<sub>臣</sub>等檄行司道詳加勘估約需銀二千餘

兩現在興工挑濬俟工竣一并確核報銷<sub>臣</sub>

謹會同督<sub>臣</sub>黃廷桂合詞繕摺謹

奏乾隆十五年十二月二十二日奉

硃批該部知道欽此

南巡盛典卷一百十

奏議

總理行營王大臣和碩莊親王臣允祿等謹

奏為遵

旨速議事總督黃廷桂奏僱備小船以便往來一

摺奉

硃批總理行營王大臣速議具奏欽此據稱接准

廷議明春

皇上南巡江浙應行預備事宜一摺內稱

皇上駐蹕行營隨行官兵除應行該班值宿外其餘官員人等如離水次在十里以內者俱令仍回各船住宿若離水次甚遠令地方官於附近寺院歇店及民間原有之空閒房屋酌備數處以便住宿不許佔住民房等因查扈從官員人等乘座船隻每日停泊之時各按先後挨次排列自二三里至十餘里不等若不論遠近俱令仍回各船跋涉原多未便自應預備以資棲宿但查江省情形與北五省

不同各站宿店俱在站道馬頭其水營

駐蹕處所殊鮮邸舍至寺院民房亦必城市方可覓備若沿途村莊並舖面卽民居絕少閒房空室或一望平疇或村居零佈而田硬塘溝隨處阻隔實有難以備辦者且恐無知有司差役下鄉逼迫小民遷挪房舍轉至滋擾再查隨從各船沿岸灣泊樁纜鱗列暮夜行走不易兼之江南春日陰雨不時泥濘蹻絆舉足維艱不但十里以外未便歸船卽十里以

內亦有不能行走之勢臣與司道等再三籌酌查有圈棚小快船又名草上飛應僱備數隻在前後卡船之外排列伺候如官員人等泊船離水次稍遠者即乘座小快船各回原船既省奔走之艱往返又屬快捷每日行走即將此小船分繫於各大船之後以便往來如各船遣人買備食物並水手人等過渡擺繹均可應用似較妥協此等小船需價有限即在大船水手數內通融辦理無庸另費等

語查臣等原議應行預備事宜內

皇上駐蹕行宮隨從官兵除應行該班值宿外其餘官員人等如離水次在十里以內者俱令仍回各船住歇若離水次甚遠令地方官於附近寺院歇店及民間原有空房屋酌備數處以便住宿不許佔住民房以致滋擾等因原指江浙二省建有

行宮處所定議蓋以

皇上駐蹕行宮應隨從大臣官員均有應辦事務



卽兵丁人等亦俱各有差使自應前赴  
宮門伺候若令槩住房屋則凡有  
行宮之處皆須預備

聖祖仁皇帝南巡時雖無預備房屋之議然扈從官

兵或致強佔民房未免滋擾是以臣等酌議  
離水次在十里以內者仍回本船住宿如其  
相距甚遠始令酌備房屋以便棲止一概不  
許強佔民房原屬仰體

皇上嚴禁騷擾百姓並恩恤地方官員俾得易爲  
料理之意若

皇上駐蹕水營則隨從各船前後挨次停泊卽相  
隔遠近不同辦事人等儘可回船住宿何必  
又於泊船處所另備房屋且伊等旣俱給有  
船隻若又令其岸上住宿則船隻轉爲虛設  
不特於地方滋擾卽本人行裝食物皆在舟  
中寢食悉多不便且江浙一路雖與北方情  
形不同沿河安設水營之處除城郭鎮市外  
未必到處皆有歇店空房可以預備此又人

所共知者乃該督黃廷桂將

行宮字樣誤認行營遂不細繹原議內離水次  
遠近之語遽行奏請卽或由於該部行文時  
魯魚亥豕之誤然獨不思

皇上駐蹕行營隨從各船雖灣泊稍有前後皆係  
同在水次又何必更言離水次之遠近乎在  
該督以事關

巡幸大典不得不慎重周詳以期辦理妥協然其  
錯誤之處或由該督一時誤認抑係該部傳

抄訛寫應令查明覆奏至所稱僱備小快船  
以便往來之處查沙飛等大船每船原有小  
船一隻以備上岸買物及纜緯之用卽如今  
春趙北口水圍所有大船亦俱各有小船隨  
行是此項小船原應卽在僱覓大船之內一  
體預備似亦無庸另爲籌辦俟

命下之日<sub>臣</sub>等行文該督遵照可也謹  
奏請

旨乾隆十五年十二月二十三日奉

硃批是知道了欽此

總理行營王大臣和碩莊親王臣允祿等謹  
奏為遵

旨速議事黃廷桂奏請酌減馬匹一摺奉

硃批總理行營王大臣速議具奏欽此又喀爾吉

善等奏籌備馬匹緣由一摺奉

硃批原議大臣速議具奏欽此據黃廷桂奏接准

廷議應備馬匹數目臣隨於通省滿漢標營內

均勻抽調照數預備派員管領又因浙省止

有馬五千匹不敷應用臣酌備馬二千餘匹

南巡盛典 卷一百一十一 六  
屆期趕赴浙省協濟但查此次應用正餘馬匹爲數衆多沿途並無平原空曠及寬展村鎮可以安頓此數千馬匹之地以便飼喂者且揚州蘇州人稠地狹若安置四千餘馬擁擠喧囂阻滯路徑殊多未便似應請將無緊要差使之官員兵丁並跟隨人等所需騎馬再爲酌減再查由焦山過江至象山起早至甘露寺等處回至

駐蹕之處需用馬匹似應照揚州之例一體備辦

又此次經嚮導大臣勘定沿途如淮安寶應

高郵丹徒丹陽常州無錫等處

車駕進城巡幸扈從官員所需騎馬因

廷議在先勘定在後未經議及統請一併定數以便遵照於前項馬內輪流預備等語又據喀爾吉善等奏稱由杭州至西湖由紹興至禹陵南鎮蘭亭名勝等處各陸路原止備皇上遊幸所經

御道近不過二三里至十餘里惟雲棲一處最遠

亦僅二十餘里原非按站行走之旱道更鮮  
空曠地場可以屯扎數千馬匹且馬多道窄  
恐致擁擠喧雜臣等因南方城市馬匹馱載  
什物難以行走已預備人夫擬將

御用什物敬謹預擡下至官兵行李亦用人夫搬  
運所需騎乘馬匹臣等擬於杭紹調集通省  
營馬五千匹以供乘用等語查臣等原議應  
行預備事宜以隨從人等所需馬匹康熙年  
間皆取用於地方每大臣一員給馬五匹章

京侍衛官員等每員給馬三匹護軍緊要執  
事人等每人給馬二匹其餘人等每二人給  
馬三匹現在江浙二省駐防官兵所拴官馬  
共九千八百餘匹綠營六千八百餘匹驛馬  
三千九百餘匹除驛馬應酌留一半以供驛  
遞差使外合計共有一萬八千七百餘匹此  
次隨往江浙大臣三十二員章京侍衛官員  
等六百一十一員拜唐阿兵丁等二千五百  
五十九名合計需馬六千六百九十餘匹除

自錢家港至江寧自杭州至西湖自紹興至禹陵等處所需馬匹均應全數散給其由徐家渡至直隸廠旱營由小五臺至揚州平山堂高旻寺由蘇州至靈巖等處非係緊要差使必應隨往者俱可留於舟次不必全行此三處所需馬匹俱應減備十分之四約計備馬四千匹卽可敷用應交與江浙督撫等於旱路應備馬匹之處照數預備在就近地方散給每馬十匹之外仍多備一匹以便臨時添用其散給馬匹交與領侍衛內大臣兵部會同分派至上船交馬後該地方官卽將馬匹由陸路趕至前途通融預備或分作兩起輪流應付該督撫酌量辦理等因奏准交部行文知照在案今黃廷桂旣於通省滿漢標營內均勻抽調照數預備派員管領臨期自可無悞至所稱江南無平原空曠及寬展村鎮可以飼喂數千馬匹及揚州蘇州人稠地狹若安置四千餘馬擁擠喧囂殊多未便請

再為酌減之處臣等恭查

皇上此次巡幸江浙上船之後水程居多若遇舍舟遵陸之地

聖駕既由陸路至行營駐蹕隨從官兵若非必應隨行者已在酌減並留住之列所有大臣官員兵丁人等均有應辦差使或應先往伺候或應隨侍行走若不給與馬匹仍令乘船前往實屬緩不及事徒步追隨更恐貽悞是以臣等酌量數目分別定議於鎮江至江寧及

杭州紹興等處均令全給其餘各減去十分之四不過僅取無悞差使並無多令預備之處今黃廷桂既已遵照所定馬匹數目如數預備獨因地方狹窄奏請酌減臣等查照康熙年間舊例合之現在隨從人數似不便遽行議減以致臨時周章但黃廷桂既為此奏亦必實有難於照數預備情節臣等再三斟酌應將原議每馬十匹之外多備一匹之處准其量為減省其餘應需馬匹令其隨處儘

數預備如遇地方實在狹隘不能多備者或臨時將非緊要差使之大臣官員應需馬匹每員酌減一二匹兵丁人等亦各分別減給仍照原議派領侍衛內大臣會同地方官均勻分派如此通融辦理庶差使不致有悞而地方官員亦無掣肘之虞矣其由焦山過江至象山等處及續經嚮導大臣勘定所過各府州縣

車駕進城巡幸所有扈從大臣官兵人等需用馬匹現在清字定議一二百匹已可敷用又喀爾吉善等所奏於杭紹二處預備馬五千匹之處查現據黃廷桂備馬二千匹趕赴浙省協濟是該省馬匹亦可如數預備但江浙二省情形畧同今江省既准臨時酌減浙省自應照例一體辦理俾得從容應付至所需馬匹僅供騎乘並無議及馱載若一切隨帶官物原議令該省督撫預備人夫擡運已經行知在案其喀爾吉善等所奏預備人夫以備



損擡之處毋庸再議俟

命下之日臣等行文黃廷桂喀爾吉善等遵照可

也乾隆十五年十二月二十三日奉

硃批依議速行欽此

兵部謹

奏為請

旨事臣部查向來

皇上巡幸各處沿途安設臺站調撥馬匹原期一

切本報事件馳遞迅速不致稍有稽延明春

恭逢

皇上巡幸江浙應設臺站業經臣部派員查勘安

設正站四十九處腰站四十九處除直隸山

東俱係旱路一切本報皆由馬上馳遞毋庸

另議外惟江省前據該督黃廷桂咨報蘇常鎮三屬因旱路窄狹雨水過多丹徒等六驛原各設站船十五隻以代驛馬淮揚徐三屬旱路稍寬馬行尙易向未設立站船來春

聖駕經臨臺站馬匹請照山東之例正站安設九十四匹腰站五十匹或一時雨水過多則旱站之外當有水站請於丹徒等驛站船內共撥四十隻分泊於宿遷等處以備代馬之用至船隻行駛窮日夜之力不過百餘里若非過

於泥濘所有本報等項仍當由馬馳送又近據該督咨報江省非產馬之地此番差務需馬繁多臺站馬匹若照前議安設則別項差使殊費周章請照康熙四十六年之例正站安馬七十匹腰站三十匹至前議船隻尚可酌添請每處總備船十五隻所有丹徒等處原設站船十五隻者毋庸議外至宿遷等十處向無站船每處雇備快船十五隻則水陸兼備緊要本報等件無虞遲滯各等因

臣等

南巡盛典 卷一百一  
伏查江南地方該督既稱馬匹短少此番差  
務需馬繁多請將臺站馬匹照康熙四十六  
年之例正站安設七十匹腰站三十匹是按  
該省馬匹之多寡酌量安設自應如該督所  
議辦理務期臨時不致貽悞至所稱安設水  
站雇備船隻以備代馬之用並稱船隻行駛  
窮日夜之力不過百餘里等語查本報事件  
關係緊要向例皆由馬上馳送每一時限行  
三十里計算晝夜限行三百六十里原以杜  
稽延遲滯之弊向來各省卽有崇山峻嶺冰  
凝雪滑之地俱能按時遞送今該省雖雨水  
過多亦不過一時泥濘未可因此另雇船隻  
備用且據稱晝夜只行百餘里則船隻遞送  
更不若馬行之便捷一設船隻勢必避勞就  
逸概欲登舟轉致遲滯該省既設站馬儘可  
供本報之用應將該督所請安設水站雇備  
船隻之處毋庸議可也爲此謹

奏請



等候至

皇上登舟後照

臣

等減定之數帶往隨行之大臣

官員馬匹駝隻等亦俱不必過河令與留住

之官兵等一體留住其官用駝隻交與山東

巡撫分給附近各州縣及綠旗兵弁餵養俟

皇上回鑾時先期趕赴等候總管大臣會同兵部

照數散給再查徐家渡至直隸廠

閱視堤工由小五臺至揚州平山堂高旻寺等處

由錢家港至江寧府由蘇州至靈巖鄧尉虎

邱等處由杭州至西湖由紹興至

禹陵南鎮等處俱係旱路應需馬匹除

皇上所乘

御馬用船載往一切隨帶官物交與該督撫等預

備人夫擡運可也爲此謹

奏乾隆十五年十二月二十六日奉

旨依議欽此

總理行營王大臣和碩莊親王<sub>臣</sub>允祿等謹  
奏為遵

旨議奏事護軍統領嚮導頭領努三為  
皇上明歲巡幸江南應行預備七條事宜具

奏奉

旨着總理行營事務王大臣議奏欽此<sub>臣</sub>等議得  
據努三

奏稱一

皇上座船行走

御前乾清門侍衛前引四副撒袋併幫助緯繩侍衛俱應在沿岸乘騎馬匹或令若干人騎馬行走

皇上船前

御前乾清門侍衛等坐小船如何前引行走之處

俟

御前大臣等定議時將馬匹小船交與該督預備等因<sub>臣</sub>等會同

御前大臣定議得

皇上座船時派

御前乾清門侍衛各二員

皇上船前前引船隻派出兩對在兩邊行走

御前乾清門侍衛等酌量乘座

皇上船旁令一人騎馬在河沿行走以備

皇上差遣拉船幫緯侍衛等酌派四員四副撒袋

令在拉船幫緯侍衛後行走此項人員令

御前大臣臨期具奏在

御前乾清門侍衛內酌量派出輪班行走前引船

隻應用馬匹令該督合算人數預備一查得經由府州縣城俱臨河相近河岍窄狹且兼水田地方甚屬難行臣等酌量離城門一二里或三四里之間定擬馬頭交明地方官自船上岍由岍登船馬頭令其修理外

皇上經由各城當日

回鑾之處令其各備馬二百匹以供隨行大臣侍衛拜唐阿乘騎拿馬時派出侍衛什長等帶領親軍由地方官取領預備

皇上登舟時侍衛什長等將馬匹收回照數交與地方官太監等乘騎馬匹交上駟院人等拿給各城街道窄狹難執馬上儀駕且道路既不甚遠令校尉等執步下儀駕章京等令其騎馬

皇上城內巡幸畢及至馬頭登船時大船不能趕到如預備等候地方窄狹且江南既有預備皇上升座如意快船即將此項船隻先行令其前往馬頭地方等候



南巡盛典 卷一百一  
皇上升如意船後或等大船或緩行等候皆可等  
因今努三既稱

皇上經由府州縣城臨河相近河岍窄狹難行地  
方酌量交與地方官自城門一二里或三四  
里之間修理馬頭等語毋庸另議外所稱

皇上經由各城當日  
回鑾等處隨行大臣官員拜唐阿等必需乘馬應

交該督每處各備馬一百五十匹至拿馬交  
馬經由各城道路窄狹難執馬上儀駕令執

步下儀駕章京等令其騎馬之處俱照所奏  
外至

皇上巡幸城內時既稱大船不能趕到如預備等  
候地方窄狹江南既有預備如意船隻令其  
先行在馬頭等候亦照所奏行一存留人等  
俱令在徐家渡等處駐扎地方窄小草豆難  
以購買或令伊等在楊家莊宿遷縣山東郟  
城縣沂州等處可得草豆地方散住俟

皇上回鑾時仍令迎至黃河北徐家渡營盤等候

等語查從前<sub>臣</sub>等以

皇上登船後存留官兵令在黃河北寬廠地方或分二處駐札或在一處駐札之處交令管轄大臣等加謹約束等因具奏行文在案今努三雖稱徐家渡地方窄小將存留官兵令在楊家莊宿遷縣山東鄒城縣等處散住可以無悞等語但官兵若令數處星落散住不免鞭長莫及難以管轄應交管轄大臣哈達哈等酌量存留官兵在徐家渡等處尚可居住

易得草豆時仍照前奏或在二處或在一處駐扎外若徐家渡等處難容駐扎或有難覓草豆緣由管轄大臣臨期籌酌散住可也一皇上過黃河至直隸廠駐蹕之日黃河南岸至直隸廠有旱路數里俟

皇上至黃河渡口前二三日派出大臣會同該督將隨往人等行李先期料理渡過黃河在直隸廠分給船隻等候令其多備黃河渡船在運河內外沿邊等候可以無悞其數里旱路

着多備損夫運送

內廷行李衆人輜重之處交該督先期辦理預備等語本年

皇上巡幸河南時

臣

等因渡黃河奏派大臣先期

運渡官兵行李此次前往江南仍照從前俟臨近時奏派隨往大臣會同該督兼管運渡衆人行李過河至直隸廠分給船隻等候其十里旱路仍照臣等議奏一切官物交該督多撥人夫運送外官兵行李等物多集人夫

各聽其便雇用可也一分船大臣等分船完畢時除大臣船隻外每船委署頭目一名管理委署頭目之處卽交分船大臣等派往等語查臣等從前以查船應需專管人員俟臨時大臣內奏派一二人會同護軍統領管理等因奏准行文在案今每船復委頭目一名反滋煩擾應將努三所奏毋庸議一布城奏帶二分須倒替轉行方能無悞其水營布城蒙古包帳房劬重人數令各該處開明行知

南巡盛典 卷一百一  
三  
該督預備快船裝載二起船隻前後倒替換用或穿營行走之處明白曉諭護軍統領武備院等語查適經該督黃廷桂以水路裝載布城等物船隻難越

皇上座船應預備二分船隻裝載至駐蹕處穿營時用夫挑騾馱等因武備院上駟院俱經行文所奏不必另議外布城等物倒替行走用夫騾挑馱穿營行走之處交護軍統領等令打城章京護軍校護軍等加謹管理不致貽

悞可也一

皇上已渡黃河卽駐蹕水次衆人俱在船住宿其揚州之高旻寺

行宮坐落河沿金山寺

行宮在江之中高旻寺駐蹕時衆人仍回船住宿外金山寺駐蹕時入班大臣侍衛護軍拜唐阿之外

御前乾清門行走大臣侍衛軍機處內閣大臣官員內大臣兵部大臣官員令其在山前兩旁

僧房住宿其餘人等令往從南岬住宿蘇州  
杭州江寧

行宮俱在城內令覓民房住宿聖因寺

行宮在西湖北岸地方狹窄衆人令在附近民房

或在船上住宿靈巖山龍潭

行宮附近人烟稀少難以駐扎應令該督預備綠  
旗各營帳房分給隨往護軍拜唐阿等起程  
時仍令明白交回如有遺失損壞查明治罪  
侍衛官員內如有領取帳房者亦着應付等

語查近經<sub>臣</sub>等以

皇上駐宿

行宮時除隨往官兵入班人員外其餘人員若離  
船十里以內俱令回各本船住宿若相離甚  
遠交該地方官酌量就近廟宇店房或民間  
空房預備數處令其住宿等因奏准行文在  
案今努三所奏高旻寺金山寺聖因寺等處  
行宮衆人令在附近民房或回船住宿之處與<sub>臣</sub>  
等原議相符應如所議外又稱靈巖山龍潭

行宮附近人烟稀少令該督預備綠旗帳房如有遺失損壞查明治罪等語亦屬可行應令該督預備辦理可也俟

命下之日行文各該處遵行等因具

奏乾隆十五年十二月二十七日奉

旨儀駕不必帶往其因賞賜耆民沿河兩邊行走御前乾清門侍衛應騎馬匹着一邊預備二匹餘依議欽此

署浙江巡撫臣永貴謹

奏爲奏明事恭照明春恭逢

聖主巡方盛典杭嘉湖等府屬運河之內皆須預爲清蹕庶足以盡臣子敬謹之誠每年二三月間正當漕艘北上之時運河祇有一路又無別道可通若不催令趲行前進必致壅塞御河殊多未便向來各屬收糧必俟歲底方得竣事而納戶尚多零星掛欠抵兌不清以故漕船領運未能迅速本年徵漕之前先經臣預

南巡盛典 卷一百一十  
行頒發告示諄諄勸諭士民早爲完納并立法稽查嚴禁官胥勒捐浮收等項積弊漕政於以肅清糧戶爭先輸納本月初間通省漕糧卽已具報全完較諸往年幾早一月實爲從來未有之事此皆

聖德涵濡民情踴躍故能無事催科莫不輸將恐後現在漕船均已陸續兌竣開行又浙鹽半多行銷江省之蘇松常鎮等四府兩浙之商資本微薄遠非淮南可比向例商船過掣之後所有課費不能一時完納鹽船每仍停泊河干必俟陸續輸完課費方由運河內源源領運以濟民食春夏菜醬二市正當鹽斤廣銷之候非預爲運貯賣地不特沿途經行有礙抑且民食攸關倘有缺乏不肖舖戶得以昂價病民私販梟徒更可乘機侵越勢不得不設法變通臣經飭將各商配掣之鹽槩於今冬分別賣地遠者預運十分之五近者預運十分之三先行運往以資接濟惟是商本

有限若令一并預爲完納課費實恐力有不繼臣仰體我

皇上惜商愛民之至意暫令先納正課卽行准其領運所有例輸引雜公費尙非正項可比統於來年四月內後運一半之鹽全數扣足完項則民無食淡引得疏消仍於課費無虧公事似有裨益所有臣預籌鹽漕各艘趕早開行以清河道緣由理合繕摺奏明是否有當伏乞

皇上睿鑒訓示爲此謹

奏乾隆十五年十二月二十七日奉

硃批諸凡皆妥欣悅覽之欽此



南巡盛典卷一百一十一  
奏議  
南巡盛典卷一百一十一  
奏議

南巡盛典卷一百一十一

奏議

禮部尚書臣伍齡安謹

奏為

奏請嚴禁事恭查每逢

皇上巡幸例有鴻臚寺帶領地方官迎送

聖駕從前原任鴻臚寺少卿查斯海因在途騷擾

乾隆七年九月內奉

特旨將查斯海解退少卿以旗員用在案伏思近

南巡盛典 卷一百一十一  
地而尚如此滋事今歲

皇上南巡隨往之少卿趙之垣係漢堂官帶領鳴贊等官沿途演習地方官迎送

聖駕禮儀日與地方官接見若不預行嚴禁其帶往各員內不無在途需索生事如不許居住地方官預備之房令其各自扎營則地方官難以尋覓且礙難演禮臣愚見鴻臚前行之臣員請由臣部行文該督撫只令預備房屋外一切飲食供應槩行禁止倘有不肖官員仍

有需索生事者該督撫卽行咨明

行在禮部臣指名糾叅交部嚴加治罪不惟互

加防閑而於禮儀亦易整肅至太常寺運送

祭器指名陳設官員內如有需索生事者亦

照此辦理臣愚昧之見是否有當伏候

聖訓遵行爲此謹

奏請

旨乾隆十六年正月初六日奉

旨知道了欽此



南巡盛典 卷一百一十一  
一半交與江南一半交與山東備用至留住  
守候期內應給車戶之飯食騾馬之草料酌  
議樽節辦理會同山東巡撫準泰另行奏

聞伏乞

皇上聖鑒謹

奏乾隆十六年正月十五日奉

硃批覽欽此

署浙江巡撫臣永貴會同兩江總督臣黃廷

桂閩浙總督臣喀爾吉善協辦總河臣張師

載署江蘇巡撫臣雅爾哈善謹

奏爲奏覆事臣等伏查辛未年春恭逢

翠華南幸率土歡忭普天同慶江浙雖屬兩省而

臣等籌辦諸事無不會同商酌以期和衷共

濟不敢稍有畛域之心卽如運河內恭備

御舟業經臣黃廷桂等會商直送至杭

內庭扈從各船亦由江省雇募浙省祇於給貼

南巡盛典 卷一百一十一  
四  
水脚均未另行備辦前已奏

聞在案惟緯夫一項因浙省向例係屬僱夫是以酌定河兵僅到交界地方浙省亦另擬於海塘標兵及各屬民壯衙役內挑選應用祇以辦差公務俱屬<sub>臣</sub>等應盡之職守未經上瀆宸聰今奉

聖恩訓諭復思自江省交界以至杭城計程不過二百餘里所有更換之浙省兵役緯務非所素習即使勤加教演終不若河兵在江經行已久自必益就熟嫻誠有如

聖明洞鑒令其隨至浙江彼此均覺妥便<sub>臣</sub>等欽遵

諭旨會同通融籌酌查江省原擬於河兵內挑選三千名分爲上下兩班供奉

御船及

內庭各船帶緯之用各兵行坐口糧每兵每日給與飯食銀五分自宿遷至瓜洲江口應由河庫給發自鎮江至浙江交界應由蘇州藩

南巡盛典 卷一百一十一  
庫給發其自平望至杭州應由浙省給發上  
班緯兵沿途搭蓋棚廠以爲造飯住宿之用  
下班緯兵併押緯官員人等俱給與小船乘  
坐其到杭之後自應恭候

聖駕回鑾所有在杭守候坐糧亦均由浙省給發  
以供各兵資斧惟是長途往返屯聚日久江  
省河標之兵必得江省河標之員約束稽查  
方爲妥協臨時擬派河道一員河標叅將一  
員同行至杭會同浙員督率拘管其沿途押

緯官弁仍聽兩省各自派撥至浙省西湖紹  
河錢江等處係用水緯所有槳緯人夫均已  
久經預備毋需再用河兵除一切未盡事宜  
臣喀爾吉善 臣永貴現與 臣黃廷桂等詳細  
會商總期仰遵

聖訓務使公務有裨妥協籌辦斷不敢存此疆彼  
界之見也所有 臣等會商定議事理謹合詞  
繕摺奏

覆伏乞

聖上睿鑒謹

奏乾隆十六年正月十六日奉

硃批好知道了欽此

大學士公臣傅恒等謹

奏為遵

旨議奏事尚書舒赫德具奏南省水次相近經由  
州縣大村委派提督衙門官員會同地方官  
稽查及早路

臨幸地方隨往人員乘騎馬匹預請先遣派大臣  
指示存站之處等情一摺奉

旨總理行營事務大臣議奏欽此該臣等議得舒

赫德奏稱臣自水路往江南一路看得經由

州縣大村馬頭離水次甚近約畧隨來官兵  
跟役不無進州縣城內買取物件往觀熱鬧  
此次

皇上巡幸江南非同

行幸過省分可比自應嚴加稽察管束臣愚見

皇上登舟後每日於起

鑾之先令本衙門筆帖式帶領步軍副尉步軍校

會同地方大員一員先往經由州縣城內加

謹稽察毋令旗民生事如有生事者係民即

交同往地方官辦理外如係兵丁跟役即行

拿究酌量辦理

皇上起鑾後令步軍總尉富僧格在後亦會同地

方官一員尾後行走管束務令一人不可存

剩如有存留生事者亦分別辦理臣事竣即

趕迎

聖駕到日令富僧格在前稽查臣在後尾行管束

如遇歇駐地方臣同富僧格輪班帶領官兵

查管街道不令生事等語伏查此次



皇上初巡南省非已經

行幸省分可比水次相近州縣大村鬧熟地方甚多隨往兵丁跟役亦衆若不預行曉諭臨期嚴行稽查不肖之人在後進城入村強買鬪毆生事俱不可定今尚書舒赫德所奏派委該衙門官員帶領地方官先往水次相近經由州縣大村鬧熟地方稽查令步軍總尉富僧格在後尾行管束如遇歇駐之日提督與步軍總尉輪班稽查不令生事等語應如所

奏辦理外臣等預先傳諭各處敬謹遵行如不

遵行違背者係兵卽交該管官員頭目從重處治係跟役除重責之外將伊主一併叅奏交部查議又奏稱南省旱路俱窄凡有

皇上臨幸地方隨往人員乘騎馬匹於

皇上未到之先或領侍衛內大臣或總理行營事務大臣護軍統領應預派一二員指示下馬站馬地方臨期不致擁擠臣與富僧格酌量

前後管查等語查南省地方旱路俱各窄狹

凡有

皇上臨幸地方隨往人員乘騎馬匹若不預先派員前往指示管理臨期必致紛亂擁擠應如所奏臨近將應派大臣職名進

呈請

皇上酌量派出一二員指示管理爲此謹

奏請

旨乾隆十六年正月二十五日奉

旨依議欽此

漕運總督臣瑚寶謹

奏爲奏明事正月二十八日准戶部咨開乾隆

十六年正月十六日內閣奉

上諭直隸上年偏災州縣現在降旨加賑有需用米石之處著將河南本年運通粟米截留十萬石交總督方觀承酌量辦理該部遵諭速行欽此行文前來臣遵查河南省今歲起運正耗粟米共一十一萬石有零除前次欽遵

諭旨截留五萬石外止存應運通粟米六萬餘石

不敷截留再查山東省今歲起運粟米除前  
次欽遵

諭旨截留五萬石外尙存仍應運通粟米十二萬  
石有零所有此次欽遵

諭旨截留粟米似應仍請在於河南山東二省起  
運粟米內各截留五萬石以符十萬石之數  
除一面移咨直隸督臣倉場督臣及豫東二  
撫臣外謹將欽遵辦理緣由理合恭摺具

奏仰祈

聖鑒謹

奏乾隆十六年正月二十九日奉

硃批知道了欽此

漕運總督臣瑚寶謹

奏為奏

聞事竊照直屬上年偶被偏災蒙

皇上念切民依將本年豫東二省粟米截留十萬

石以資賑糶臣等接准部咨隨檄行坐糧廳

於東豫二省起運帮船內各截撥五萬石在

案茲於本年正月二十七日准直督臣方觀

承咨准

行在戶部咨欽奉

南巡盛典 卷一百一十一  
上諭將河南省本年運通粟米截留十萬石以爲  
加賑之需仰見

皇仁普被

睿慮周詳臣等伏查河南省本年運通平粟米共  
一十一萬三千四百餘石除前次欽奉

上諭截留直屬五萬石并應運薊糧五萬石外僅  
餘剩米一萬三千四百餘石其不敷米八萬  
六千五百餘石臣等通融辦理已檄坐糧廳  
於山東省先進帮船內找截以足十萬石之

數除一面移咨直隸督臣查照辦理外理合

恭摺奏

聞謹

奏乾隆十六年二月十一日奉

旨依議欽此

大學士公臣傅恒等謹

奏爲奏明事查徐家渡等處留養上駟院之馬俱係預備各處太監等乘騎及膳房茶房馱載物件關係最要今據上駟院侍衛托雲等呈稱原帶來馬一千五百六十六匹內除沿途疲乏倒斃遺失一百四十九匹外其餘陸續收到馬一千四百一十七匹此內五分臆馬三十二匹四分臆馬二百六十三匹三分臆馬七百六十六匹打瘡疲乏待斃馬十七

南巡盛典 卷一百一十二  
匹又經雨雪陸續倒馬三十六匹外餘剩馬一千三百八十一匹因原定徐家渡地方窄狹泥濘槽鋤不敷職等向委派辦理喂馬事務道員知縣等令將馬匹移至王家營喂養道員並不爲事惟見一次再尋並不見面隨同知縣到王家營看驗地方於二月十八日將馬匹移至王家營該地方官所備草束又不敷用每馬只得通融一半喂飼屢次行催地方官始將草豆送到雖經分給各羣頭目等加謹喂養但

皇上回鑾在邇今未及一月所備草豆卽不敷用再至數日勢必不能接續請速轉咨該督上緊運送草豆毋致缺乏等語是該道王德階並不加緊辦理顯係疎忽現交王德階辦理僱騾頭事務俟辦完之日視其所辦何如之處另行辦理具奏外其王家營留養上駟院馬匹原來時沿途疲乏倒斃及留養之際因地方預備草豆等物不能敷用是以陸續又

有殘傷若不卽爲通融辦理臨期必致有悞  
臣等酌議除嚴飭王家營喂養馬匹上駟院  
侍衛托雲等令其此際加謹喂養以備應用  
外查東省所有營驛馬匹據準泰奏明通融  
四千匹預備抵補隨來拜唐阿兵丁倒斃疲  
乏官馬今若又調山東馬匹難得許多臣等  
詳加商酌直隸營驛馬共有二萬五千餘匹  
此際並無別差俱係拴喂之馬請

旨令直督方觀承於直東接壤相近地方營驛馬

內酌挑一千匹預行趕赴順河集等處以備  
抵補上駟院馬匹之用俟馬匹到順河集時  
請令上駟院大臣會同兵部將原留喂養馬  
匹再加查看將可以乘騎者挑出應用外其  
不敷者卽將直省預備一千匹內照數給與  
乘騎上駟院不能全用一千匹應將餘剩之  
馬俱令預備抵換順河集留存拜唐阿兵丁  
疲瘦馬匹之用俟

命下之日交兵部飛行直督將馬匹照數辦理卽



速趕赴順河集等處以備應用謹

奏乾隆十六年三月十四日奉

旨依議欽此

兵部左侍郎臣蔣炳謹

奏為奏

聞事竊臣於二月十九日自京起程赴順河集會辦

回鑾車輛於二月二十八日至山東之齊河縣會商撫臣準泰據稱東省應分辦車二百輛將原來京車留住一百二十二輛尚少七十八輛現飭僱辦足數應用至倒斃駝隻需車抵補亦現飭預備但東省需車甚多不能協濟

江省等語臣於三月初八日至順河集據江  
省辦理車輛之淮徐道王德階稟稱江省應  
分辦車二百輛將原來京車留住一百十八  
輛尚少八十二輛現在遣人往各處僱備等  
語臣查內務府鑾儀衛原用車共三百四十  
九輛內除沿途回空及馬騾疲乏外計江南  
山東兩省留住原車二百四十輛督辦之各  
該道等日給守候銀兩臣復飭令加意喂養  
務期臚力壯健應用其短少車一百六十輛

現在僱覓臣逐加指示飭催僱辦共足四百  
輛之數限於三月內到齊順河集一帶預備  
回鑾之用擬合繕摺奏  
聞爲此謹

奏乾隆十六年三月十八日奉

硃批覽欽此



